





Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 628





Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 628





REMONSTRANCE

SERIEVSE K 620 W 551

Sur l'Estat de la Chrestienté: & des moyens de la conseruation & salut d'icelluy,

dedié

Aux tres-puissans & tres-illustres Roys, Princes, Potentats, & aultres Estats de la Chrestienté.

Par vn Gentil-homme Allemand amateur de sa patrie.



M. D. LXXXIII.

2429

REMONSTRANCE

Sur l'Estat de la Chrestienté: 8c des moyens de la conscruation & salut d'écelluy,

dedié

Chrestiente.



M. D. LXXXIII.

to

8

pl

REMONSTRANCE SERIEVSE

sur l'Estat de la Chrestienté: & des moyens de la conservation & salut d'icelluy, dedié

Aux trespuissans & tresillustres Roys, Princes, Potentats, & aultres Estats de la Chrestienté.

I novs pesions tous noz conseils, & actions, à la balance du iugement que nous faisons des affaires & negoces d'aultruy: nous establirions l'estat de nostre vie, sur vn fondement plus asseuré, & euiterions quant & quant vne infinité de calamitez publiques & particulieres: Car les exemples des perils & pertes d'aultruy, vrais maistres & conducteurs de la vie presente, nous rendroyent sages, & nous ser-

uiroyent de regle, en l'entreprinse, resolution, & conduite de tous noz affaires: Ceste sorte de sagesse a esté estimee de tout temps par les plus auisés, non seullement la plus vtile, mais aussi la plus douce, & qui plus apporte de contentement, à ceux qui la mettent en œuure: Mais il aduient presques toussours, en la conduite & direction de noz affaires, que nous sommes tellement troubles, par espoir ou crainte, ou aultre maladie & infirmité humaine, que nous n'aperceuos point plustost le mal, quinous touche au doigt, & nous pend quafi sur la teste, que lors que nous ayant entieremet accablez, par vne ruine soudaine & inopinee, nous portons desia par effet, la peine deuë à nostre stupidité & fayneantise: Tellement, qu'ores que nous iugeons souuentessois sagement des affaires d'aultruy, estant toutessois question d'euiter quelque peril semblable, il auient ordinairement, ou par la consideration de la grandeur des affaires, ou qu'effrayez de la crainte de l'euenement incertain d'iceux, ou qu'attendans qu'vn autre y mette la main, & soubs esperace d'y pouuoir encor remedier en temps, nous tirons les affaires en telle logneur, que la commodité & occasion nous estant eschappee des mains, toute ceste belle sagesse, que nous auons en la consideration des exemples & perils d'autruy, s'en va en sumee, & s'euanouyt de nous, sans en rapporter fruit ou vtilité quelconque.

Caril n'y eut onques prouince, ville, ny auleun citoyen vertueux & vaillant, qui n'ayt tousiours estimé, son salut, liberté, & la tranquillité publique, consister au gouvernement paisible & moderé de ses voisins plus puissans: Et que nulle chose leur touchoit de si pres, & leur emportoit de tant, qu'iceux mesmes leurs voisins, establissans leur estat par

iustice & affection moderce, se contenir paisiblemet dans leurs bornes & limites, côme dans quelque sorte de barrieres bie fortes: Et certes estant toute ambition touliours à craindre & soubçonner, en toutes sortes de persones: elle est neantmoins bien plus dangereuse en ceux la, qui estans desia puissans & forts, ne penuent borner leurs cupiditez, de quelque grande que soit l'estendue de leurs prouinces: pource que n'estant possible que changemens d'estat & de royaume auiennent, sans perturbation, trouble, & confusion generale de toutes choses, il est necessaire, que les prouinces plus voisines, & celles aussi qui en sont plus essongees, estans emeucs & agitees, par les slots & vagues de ceste ambition immoderee de leurs voisins, soyent finalement aussi en ueloppees, & englouties, par le gouffre d'vne calamité si horrible. Mais comme les flots de l'Ocean, esmeu par quelque grande orage, & sortans de leurs bornes & limites ordinaires, peuvent au commencement, sans grande difficulté estre arrestés, par le moyen de quelque bonne chaussee, eleuce en diligence, & opposee alencontre, par l'industrie de tous les voisins & habitans du pays d'enuiro, l'avdans les vns les autres en vn tel danger: mais apres auoir percé vne chausse ou deux, & s'estre espanduz au long & au large, à trauers les champs, sans trouuer chose qui les arreste : ne peuuent puis apres, par aulcune force, ny industrie humaine estre empeschez, qu'ilz n'apportent vne calamité ineuitable, non seullement à vne infinité de bestail & d'hommes demourans au plat pays d'enuiron, mais aussi souuentessois à des villes, pays, & royaumes entiers, qui en sont plus enflongez: ainsi semblablement les Princes qui veullent estendre leurs bornes & limites, au dommage d'autruy, peuuent facilement estre repris mez sur le commencement de leur entreprinse, & par vn consentement commun & correspondance des peuples voisins fopposans tous en general à leur dessein, estre tellement reserrez dedans leurs bornes & limites, qu'à grand peyne ils pourroyent causer à quelqu'vn, perte ou incommodité notable: Mais estans vnesois passez auec armet dans les prouinces d'autruy, & affriandés par la douceur de la prinse de quelque place de guerre, ou lieu important, esleuez en esperance de pounoir estendre plus auant les limites de leur empire, sur tout quant ils cognoissent leur nom estre deuenu formidable aux austres nations voilines, il n'y a puis apres aucun moyen, pouuoir, puissance si grande, ou aultre empeschement quelconque, qui puisse desormais arrester le cours impetueux, de ceste leur affection & ambition enragee de dominer & commander aux aultres: Laquelle chose, quiconque d'entre les sages ont parcideuant consideree, (ce qu'ont faict tous ceux qui ont estimé estre besoin d'vser de prudence en la conduite des affaires) ils ont toussours retenu pour vne maxime, que c'est le deuoir de tout bon patriota tr

fc

P

P

P

n

le

6

CO

d

m

C

te

te

q

q C d fe

ils

qd

to

n

CE

le

ti

C

e

n

P

P

e

q

triot, & sur tout des Roys, Princes, & Seigneurs, non seulement d'auiser soigneusement, & de bonne heure, que les affaires de leur pays, peuples, & prouinces, se portent bien, & soyent entretenuz en vn estat tranquille & pailible, mais aussi, d'empescher que les Princes ou peuples voifins, poussez d'ambition, & allechez de la cupidité de regner, passent à main armee soubs quelque couleur ou pretexte que ce pouroit estre, dans les terres d'aultruy, & auancent ambitieusement l'estenduc de leurs bornes & limites. C'est pourquoy les Romains voulans reprimer des le commencement les forces des Carthaginois, & deliurer les Espaignes duioug des Africans, estimerent necessaire d'enuoyer secours aux Mamertins, assiegés par leurs armes: C'est aussi pour cela, que lors qu'Antiochus l'illustre s'estudioit à s'assuiettir l'Egipte, soubs vmbre de la tutelle de son nepueu: ils luy commanderent de s'en abstenir, & se contenter de la possession ancienne des royaumes de ses predecesseurs: 1& que generalement, ils n'ont iamais permis, que prince, ou peuple quelconque, ait prins aucun accroissement de puissance trop grande. C'est aussi pour cela, que les Venetiens ont de nostre remps, le de celuy de noz peres, acquis louange de sagesse & prouidence singuliere: car ne se laislans facilement persuader, à entreprendre guerre contre quelqu'vn, ils ont toutesfois tellement assaisonné leurs resolutions & conseils, que quand quelque prince ou republique voifine, esineue d'affection immoderee de dominer, faifoit la guerre à ses voisins, leurs armes seruoyent tousiours, d'ayde & de sauuegarde à la partie la plus foible: afin que retenans par ce moyen, les forces des Princes & peuples d'Italie, en vne balance egalle, empescher quaucun d'entr'eux ne s'esseuast en l'esperance de les pouvoir assuiectir par force d'armes. Laquelle perpetuelle resolution d'entr'eux, est notee entre autres choses excellentes, estre la plus certaine raison, que nous voyons leur republique, non seulement auoir esté conseruee en sa fleur & prosperité, par l'espace de plus de mille annees, mais aussi estre rendue admirable enuers toutes autres nations, en toute sorte de louange, vertu & sagesse.

C'est aussi la mesme maxime, que Laurent de Medices, personage le plus sage, qui sut de son temps en l'Italie, a si constamment & auec vne industrie tant singuliere, suiui, & entretenu, tout le temps de sa vie, que la paix & la grande tranquillité, qui sut de son viuant en toute l'Italie, luy a esté attribuee par le iugement presques de tous Historiographes: à cause qu'il bridoit tellement les cupiditez de tous les Princes d'Italie, partie par son conseil & auis, & partie par les armes & l'autorité de la republique de Florence, de laquelle il estoit principal moderateur, que si quelqu'vn d'entre eux, sortant par ambition de sesbornes & limites, entreprenoit quelque chose contre son voisin, il se trouvoit incontinent rengé à son

A 3

n I-

is

u

nt

z,

Si

1-

IS

ris

nt

e-

8

ou

ns

1-

u-

ils

oi-

le,

ter

10-

tre

ont

ont

pa-

debuoir, par les armes des aultres Princes & peuples vnis ensemble: En somme il n'y a personne d'entendement, qui ne voye, cognoisse, soit d'opinion, & tienne pour chose arrestee, voire & qui n'accuse griefuemet les peuples, & les appelle proditeurs de leur patrie, qui ou estonnez de crainte ou faineatise, ou poussés du desir d'estre à leur aise, ou assopis d'vn estourdissemet d'esprit, ou empeschez par leurs dissensions ciuiles, ayent permis tellement accroittre les empires de leurs voisins ambitieux, que ne pouvans puis apres soustenir leur effort & puissance, ils ont finalemet esté contraints, de voir de leurs yeux, & leur ruine propre, & celle de leur patrie accablee d'vne calamité & destruction entiere. Et qui d'entre nous ne sera d'opinion que les anciens Gaullois eussent peu demourer en leur liberté, & s'exempter du ioug des Romains, si d'vn commun auis & consentement ils se fussent tous ensemble opposez aux armes de Iule Cesar? Mais pendant que les vns d'entre eux, estoyent spectateurs oiseux de la ruine & perditio de leurs voisins, & les autres renforçoient la puissance des Romains par leurs propres armes, les affaires vindrent en peu de temps à telle extremités que l'empire des Gaullois tant puissant, & de si grande estendue, fut finalement reduit en vne prouince Romaine, &

entierement accablé, d'vne tresvilayne seruitude.

Et qu'est ce qu'est aduenu aux Italiens mesmes? Si des le comencemet ils eussent par armes & forces comunes, reprimé le nouveau accroissemet des Romains, & n'eusset soussert que les Antiates, Crustuniens, Ceninois Latins, chacun d'eux à part, & toft après les Volsques, AEques, Sabins, & de la en auant les Samnites, Vmbres, Brutiens, Hetrusques, & aultres peuples fusset peu à peu, & les vns apres les aultres, venus soubs leur ioug, n'eussentils pas en premier lieu, coserué leur propre liberté, & puis apres vindiqué tous les aultres peuples de l'Europe, de l'infame seruitude ou depuis ils tomberenti Et toutesfois pas vn d'entr'eux, n'est à grand peine deuenu plus sage par les exemples: Ains pendant qu'ils ont bien iugé des affaires d'autruy, personne ne s'est trouvé entre cux, qui ait sceu transporter, & accommoder à son temps, le fruit d'vn tel jugement: De sorte qu'apres l'Italie, incontinet la Sicile, puis l'Afrique, & de la en auat toute l'Afie, & finalement presque tout le monde vniuersel, assuietty aux Romains, a porté la peine de sa bestise. Par semblable estonnement & estourdissemét d'esprit, qui a parcideuant occupé les courages des Princes chrestiens, est auenu, que lon a donnételles occasions & commoditez aux Sarasins, que les eglises les plus celebres de l'Asie, Afrique, & Egypte, ont esté vilainement accablees du joug lamétable, & seruitude de Mahomet, & se sont aliences, & detournees entierement de la cognoissance de la doctrine celefte: La succession & tyrannie desquels, a esté recueillie par l'empire cruel des Ottomans, lequel ayant prins son origine d'vn com-

mencement

m

de

ď

le

8

CIL

d'a

m

de

po

me

ofe

ma

Cre

me

dei

fut

d'A

Ca

1116

def

feu

diu

vair

cali

des

dan

mer

ault

ssi l

vert

con

ado

gen

d'E

che

tou

. 1

mencement fort contemptible, est en vn moment venu à vne telle grandeur, que non seullement il a penetré, iusques aux royaumes d'Asie & d'Afrique, mais mesmes a ruiné, accablé & renuersé, de sons en comble,

les prouinces les plus intérieures de l'Europe. Mes promotente les prouinces les plus intérieures de l'Europe.

le:

foit

nét

de

vn

ent

ue

iet

ur

us

ur

n-

17

de

n-

de efi

8

et.

et.

Dis

15,

es

g

es

u

ne

es

f-

te

te

r-

e=

1-

1t

t,

la

ır

100 36

C'est aussi vne chose cogneue de tout le monde, que les Princes & peuples Chrestiens, pendant qu'ils sont enueloppés en leurs guerres ciuiles, & dissensions domestiques, ou effraiés de couardise, ou eschauffés d'ambition, n'estimans les pertes de leurs voisins leur toucher aucunement, & pensans chacun à part soi, auoir assez de forces en main pour detourner l'orage de leurs contrees, ont donné plus de loifir, & d'opportunité aux Turcqs, à l'execution de leurs entreprinfes cruelles, qu'eux mesmes n'eussent ose desirer, tant s'en faut qu'ils y cussent onques osé fonder leur esperance : Et n'eust esté que la vertu & force de l'Allemaigne nostre douce patrie, se fut opposee à cest embrasement, & par decret de l'empire, estimé necessaire d'aller au deuant de cest accroissement des Ottomans, auec vne conionction de toutes leurs forces, deniers, & reuenus publiques: long temps y a que l'empire des Chresties, fut esté totalement reduit en cendres: Et c'est celle mesme vertu & force d'Allemaigne, qui seule s'est aultressois opposee aux armes Romaines: Car quant toute la reste de l'Europe, voire les peuples d'Afrique, d'Asie iusques aux Perses mesmes, eussent tous ensemble, par leur imprudéce cy dessus mentionnee, admis le ioug de l'empire Romain, les Allemans seuls, ayans amassé toutes leur forces en vn, rompirent & desirent par diuerses fois, toute leur puissance: & souuét victorieux, aucunes fois aussi vaincus, restaurerent tousiours tellement leurs armees, que foffrant l'occasion des guerres ciuiles de l'empire Romain, ils sirent & auec tresgrandes forces, & par divers endroits, des inualions & irruptions notables dans leurs limites, & tat fesuertueret en somme, qu'ils apprindret finalement à ceux la, qui estoyent accoustumés de dompter, & commander les aultres, non seulement de receuoir le ioug de l'empire Alleman, mais ausi les exterminerent & ruinerent quasi de sons en comble: haquelle vertu vrayement heroique, ne scauroit iamais estre assez louce ny re-Elcolle, & Allemaigne, & one melmes prelitively applicable and app

Mais plus grande a esté la vertu de nos predecesseurs, eplus aussi est admirable, voire & lamentable à l'endroit des gens d'honneur, que de generans ainsi de la generosité ancienne de nos peres; nous voyons & souffrons tout à nostre ayse, que le joug cruel & superbe de la tyrannie d'Espaigne (ja presque imposé à tout le monde vniuersel) sapproche aussi tout à loisir de nous, pour accabler, nous & nostre posterité l'ellablisemet de leur Monarchie, d'ammener & contrain eldmelne auot

le ne veux par comparaisons de peuples & Princes des vins aux autres,

rendre le nom de quelqu'vn plus odieux enuers autres nations, (car toute servitude est griefue & pesante, voire indigne de ceux qui portene nom d'homme) mais ie ne sçay si le joug de la nation Espaignolle (ayant prins son origine des Mores & Sarasins, & depuis n'agueres esté par sorce & la rigueur de l'Inquisition, contraint outreson gré, à faire profession de la religion Chrestienne) est aucunement plus supportable, que la servitude des Turcqs: ie n'en diray rien d'asseuré doma part, mais en laisseray le iugement à ceux de Granade, aux Indois, Neapolitains, & aultres vern la service de contraint outres aux Indois, Neapolitains, & aultres vern la service de contraint outres aux Indois, Neapolitains, & aultres vern la service de contraint outres aux Indois, Neapolitains, & aultres vern la service de contraint outres aux Indois, Neapolitains, & aultres vern la service de contraint outres aux Indois, Neapolitains, & aultres vern la service de contraint outres aux Indois, Neapolitains au la contraint outres aux Indois, Neapolitains au la contraint outres aux Indois, Neapolitains au la contraint outres aux Indois, Neapolitains aux Indois aux

Cela toutesfois est chose bien asseurce, que le joug des Romains (encor que par l'auarice infatiable des Empereurs, & gens de guerre, que lon lit auoir ruiné plus de villes alliees par leurs garnisons, que des places ennemies auec leurs armes, il ait esté intollerable, à toutes sortes de peuples:) toutesfois comparé à l'orgueil, cruauté, & auarice des Espaignols, pourraestre appellé & jugé, (à cause de beaucoup de tresexcellentes vertus, qui estoyent en eux) au lieu de seruitude, liberté: & au lieu d'obeissance forcee, commandement legittime. Mais quoy que loit de c'elt affaire la, fiestce que tout le monde voit clerement, que, si en temps on n'y remedie, & que par vn consentement general & vnion des conseils & forces de tous aultres Roys & Princes, on ne brise & rompe les etreprinses des Espagnols, il aduiendrabien tost; que leurs forces montees insques au bout, par vne negligence & faute d'entendement comune à tous, ceux la s'y opposeront trop tard, qui voyans maintenant à loisir & à leur ayse, le seu allumé au pays bas, estiment que cest embrasement ne leur touche: & ne considerent point, que par ceste leur bestise & faute de sens & d'entendement, les flammes de l'ambition Espaignole prendront tel accroissemet & vigueur, que, & leurs pays, & celuy de tous aultres Potentats & Princes ensemble, sont pour estre bien tost reduites en cendres.

Et ne faut estimer que le seu de ceste ambition Espaignolle, puisse estre esteint dans des Prouinces de Brabant, d'Hollande, & Zelande: veu, que dessa non seulement les estimcelles & stamesches, mais les stammes ardentes d'iceluy, sont ja passes iusques en Italie, France, Angleterre, Escosse, & Allemaigne, & ont mesmes presque du tout embrasé toute la terre habitable. Et de faich l'Espaignol mesme ne dissimule point que la Monarchie de toute la terre luy soit deue, par ordonnance diuine: ayant pour arres de ce, dompté par sa force & puissance, vn monde nouueau & incogneu à nos ancestres: orné iceluy de loix & coustumes: poly de meurs & disciplines: & abbreuué & instruit en la religion catholique Romaine: estimans aussi partenir à eux, & estre de leur deuoir, apres l'establissement de leur Monarchie, d'ammener & contraindre tous autres peuples & nations à leur soy & discipline, & accorder par la seule ter-

reur de leurs armes, & gradeur de leur empire, tous les differens qui sont par tout à cause de la religion Chrestienne. Et ces choses ne disent ils pas scullement tous les jours en leurs propos samiliers: mais les conferment aussi par effects, indices alleurez, & par tous leurs conseils, actios, & entreprinses tant passees que presentes. Carils n'est udient, penseat ou visent iournellement à aultre but, sinon qu'apres quoir vnesois subiugué les peuples du pays bas, s'establir au millieu d'eux vn siege ordinaire pour la guerre, dont ils puissent par apres quand il leur plaira, & auecque peu de peine, passer en Allemaigne, Angleterre, & France: Et en premier lieu, punir ceux la rigoureusemet qu'ils auront cogneu ou soubconné tant seullemet, auoir esté tropaduersaires à leur entreprinse: Et de la en auant comander à tous aultres Roys, Princes, & nations chrestiennes, toutes choses qui leur viendront en fantasie: Et reduire ceux la soubs leur joug (apres les auoir destituez de l'ayde de leurs voilins & enuironnés de leurs armes) qui ne leur voudront rendre vne prompte & entiere obeissance. C'est à cela qu'ils ont tousours tendu, & à quoy ont vise tous leurs conseils, desseins, & entreprinses, depuis qu'ayans oppressé l'Italie par leurs armes, ils n'ont pas seullement attaqué l'Allemaigne soubs vmbre d'y restaurer la religion, mais aussi taché de sassuie-Air la Monarchie de toute la Chrestienté ensemble.

car

ent

ant

par

10-

que

en

, 80

en-

lon

en-

es:)

ols,

ver-

fan-

aire

re-

s &

rin-

ques

eux

lyfe,

ou.

fens

t tel

ten-

S. DEB

eftre

que

ar-

arre.

oute

que

diui-

mes:

tho-

ipres

itres

ter-

-neus'b

Pour laquelle chose mieux vous donner entendre, Roys trespuissans, Princes tressilustres & Potentats de la Chrestienté, seroit besoing de faire par ordre vne briesque & claire deductió de tous les conseils, actios, & manieres de faire des Espaignols, des le comencement de leurs entre prinses, iusques à la journe presente: à sin que leurs intentions, esperances, & entreprinses rendues evidentes & cogneues de jout le monde, lon puisse en temps adhiber remedes convenables & idoitées, au mal qui est comun à toute la republique Chrestienne, Et dont certes je ne divay chose qui n'ayt esté tellement saicte à la veue de tous se quasi en vn choatre du monde vniversel, qu'elle ne scauroit estre ignorse de persone: les quelles choses pendant que ie vous discourray & vous mettray devant les ieux, veuillez ie vous suplie Princes tressillustres, estre attentiss, & det tournant vos esprits de toutes opinions conceues par prejudice q appliquer auec diligence, vostre entendement à considerer & cognoistre la vraye & naisue verité des affaires.

Ayant donc l'Espaignol esté deliuré du loug des Mores, par la vaillace du Roy Ferdinand, & par vn continuel exercice de guerre, tellement esté rendu addextre, & propre ou maniment des armes, qu'il en conceu de soy certaine opinion, d'auoir ou passé toutes les aultres nations en gloire & vertu bellique, ou pour le moins egallé le renom des plus excelletes: Il

ietta incontinent les yeux sur l'Italie, & proposa en son cœur d'entre-

prendre à la soubmettre à son obeissance: ayans à ce esté principalement conuie & esmeu, par la grande sertilité & abondance de toutes choses dudit pays: qu'ilz auoyent cogneu & espié des lors, que les Arragonois (Espagnols de nation & lors commandans à Naples) les eussent appellez à leur ayde, contre l'armée de France: Ils auoyent ia auparauant vsui pé sur les François, l'Isle de Sicile, merueilleusement commode pour le passage de leurs munitions, armees, & gens de guerre: & pour sour-nir tout ce que pour faire la guerre & secourir leurs gens en necessité,

Teur pourroit estre de besoin & necessaire.

Abadonans donques la deffence de la posterité d'Alfonse, qui les auoit appellé à secours, ils entreret en termes d'accord auec les François: & faccorderent ensemble de repartir entre eux, toute laditte prouince: Mais voyans les Fraçois aller lentement en besogne, & estre tardifs en l'administration de ceste guerre: prenans occasion de quelque different suruenu touchant leurs limites, ilz renouvellerent la guerre contre eux à toute outrance : de telle façon toutesfois, que se proposans peu apres quelques conditions de paix, icelles furent conclues par le moyen de l'Archiduc Philippe gendre du Roy de Castille: par laquelle ruse mise en jeu bien à propos pour retarder le secours de France (qui estoit tout appareille & prest à se mettre en chemin) il auint, que les reliques de l'armée Françoise, surprinses par Consalue pres du fleuve de Garillan, furent entierement miles en vau de route, & quasi exterminees de sons en comble : Tellement que les François du tout dechassez du royaume de Naples par ce moyen, il fut facile aux Espaignols d'y bastir à leur plaisir, forteresses & citadelles, icelles munir de bonnes garnisons, & ainsi s'establir vn siege commode, dont ils pourroient à l'auenir commander affément à toute la reste de l'Italie. Or ayant enuiron ce mesme temps esté faicte par l'authorité du Pape de Rome, vn departement de toutes les Indes, entre les Castillans & Portugais: & au moyen d'iceluy (come de droit dinin) par vne cruauté non iamais ouie rauage, & faccage vne estendue incomprehensible de pays: & assubietty à leur domination, toute l'Americque, & tout ce grand tour des Indes occidenrtales: Et eussent aussi de mesme main joint à leur domination, cette partie des Gaules qu'on appelle Belgiques, au moyen de l'alliance de mariage qu'ils auoyent contracté auec le susdit Archiduc Philippe: Estimans auoir desormais vn thresor suthsant & convenable, pour mener guerre: tant à cause de l'or, & espiceries, qu'ils retiroyent tous les ans en grande abodance des Indes: que pour le grand profit, qui fortoit du traficq quife faifoit par les nauigatios ordinaires des marchas des pays bas en Espaignes chose qui augmentoit aussimerueilleusemet leurs reuenues & entrees ordinaires) ils resolurent en leur entendement, de n'attendre d'auand'auantage à enuahir & sassuiettir la reste de l'Italie: Et suiuant celaç soubs vmbre de secourir les Sforces contre les Françoys, entrerent premierement en Lombardie, pays tresriche & tressertile: Et apres en auoiri premierement chassé les François, & puis apres opprimé & ruiné les Sforces, sen asseure par fortresses & bones garnisons Espaignolles: Changerent aussi l'estat de Florence: Siene: Pise: & de toute la Thuscane: leur donans vn Ducqu'ils scauoient dependre d'eux, & sauoriser totallemet leurs entreprinses: Fortiserent Parme & Plaisance de garnisons & citadelles: Et ayans consirmé l'authorité des Dories en la ville de Gennes, port de mer trescommode, & lors troublee par dissensions domestiques, la serendirent asseurce & obligee.

ent

ofes

1013

oel-

ant

our

ur-

ité,

X

oit

ac-

1ais

mi-

ur-

eux

ores

de

ule

1 e-

cli-

de

ees

du

ffir

rni-

enir

nce

rtc-

ven

é, &

do-

en-

par -

de

Ai-

ner

sen

tra-

bas

wes

idre

Finalement ayans l'opportunité au moyen de Prouinces du pays bas, apres q Charles eust esté esseu empereur par les suffrages des Electeurs: Sortans desdites Prouinces auec armée, ils inquieterent par diuerses sois bien griesuement le royaulme de France: Et soubs vmbre de restablir la religion Papistique, firent vne impression bien notable insques dans les entrailles d'Allemaigne: voire & auec tel succes, qu'ayans vaincuz par armes, & prins en bataille, les Princes des Protestans, ils se mirent à bon escient en santasse, de la mettre aussi soubs leur joug, & la s'approprier en heritage: mettans à cest effet garnisons Espagnoles en diuers emdroits & jusques au centre mesmes d'icelle, pas la semana de la mettre aussi soubs leur joug, & la s'approprier en la figure au centre mesmes d'icelle, pas la semana de la mettre aussi soubs leur joug, & la s'approprier en la figure au centre mesmes d'icelle, pas la semana de la mettre aussi soubs leur joug, & la s'approprier en la figure au centre mesmes d'icelle, pas la semana de la mettre aussi soubs leur joug, & la s'approprier en la figure au centre mesmes d'icelle, pas la semana de la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la metre aussi soubs leur joug, & la s'approprier en la me

Mais ne pouvant la moderation & equité naturelle de l'Empereur Charles satisfaire à leurs entreprinses tant ambitieuses: voyans aussy ne pouvoir long temps maintenir & contregarder les places quils avoyent occupees par leurs garnisons tant pour estre icelles trop esloignees d'Ex spaigne: que pour les peuples & natios belliqueuses qui les environcients ioint qu'apres auoir esté chassé de là, par les armes du Duc Maurice, ils auoyent esté contraints d'abandonner toute l'Allemagne superieure : & que d'ailleurs aussi les guerres de France par diuerses sois renouvellees, n'auoyet l'iffue coforme à leur esperace: ayans despit & deuil tout ensemble, que proye si riche leur estoit osté des poings, ils arresterent par necessité pour vn temps le cours de leur dessein, & ne passerent oultre en la poursuite de leur entreprinse: Et ce iusques à lors, quel Empereur retiré en Espaigne, l'esprit ambitieux, superbe & vrayement Espaignol, du roy Philippe, fut trouvé idoine pour fournir à leur cupidité, & qu'ils estimeret derechef auoir occasion couenable, pour recommencer, mais par vn nouueau chemin, ce qu'ils auoyent esté contraint d'intermettre: Car ils auoyent assez consideré, qu'ils ne pourrovent bonnement conduire aulcune armee en France ou Allemagne quant il leur plairoit: & que s'ils l'y menoyent, viures, munitions & moyens d'entretenir la guerre leur defauldroyent au premier iour, s'ils n'auoyent preallablement

occupéles ports d'Hollande & Zelande: & estably par toutes les prouinces des pays bas 3 bonne & souffisante garnison Espagnolle: commandé nouvenux tributs & imposts pour le payement de leurs gages. & en somme choisivn siege idoine, d'ou ils pourroyent à leur plaisir mener, nourrir & entretenir la guerre: Mais trouuans qu'ils ne scauroyent bonnement mettre à effet auleun de ces points, aussi long temps que les preuile. ges du pays (qui exclusyent de l'administration de leur estattous estrangers, &n'admettoyenrqueles naturels d'iceluy) demourer oyent en leur entiers et quals ne pourroyet imposerauleune dace ou tribut nouveau, ny mettre garnison en auleune place, sans le consentement des Estats: ils resoluret entre eux, estre besoin deuant que passer plus auant à estendre les bornes de leur domination, de restraindre & brider ceste trop grade autorité des Estats du paysules priner de leurs preuileges, immunitez, & doustumes anciennesset en somme les depouiller de tous moyens, aydes, & secours, qui auovent de tout temps seruy à maintenir la dignité & asseurace de ces proumces: a fin qu'ayans par ceste voie, comodité d'eriger citadelles & forteresses à leur volunté, & de commander tributs & impositions nouvelles à leur poste, constituer dans ces prouinces florissantes, vn siege de guerre commode à leurs intentions: & icelluy asserny entierement à leur obeissance, & bien asseuré par legions Espaignolles, s'en servir pour se ruer à l'auenir correquiconque leur viedroit en santasse. Tellement que des ce temps la, ils ont dresse tous leurs conseils, estudes, & actions à ce but, qu'à tort ou à droit, ils peussent trouver moyen de repartir dans les prouinces des pays bas, vne garnison de dix mille soldats des vieilles bandes: pour joignant à iceux la sleur des gens de pied d'Artois & Haynant, & les fortifiant des bandes d'ordonance (entretenues ordinarement par le roy selon la coustume des anciens Seigneurs desdits pays) s'estans aussi obligez par alliance d'amirié, la foy de quelque Prince Allemand, ou si possible estoit, occupé quelque ville voisine d'Allemagne, affermir toutes lesdites forces aussi souuent que besoin leur seroit, de bon nombre de cauallerie d'Allemaigne - & ainsi auoir à toute occasion vne armée entierement complette. A cest affaire fut esseu & choisi des le commencement le Duc Eric de Brunsuic: que le Roy s'obligea par lamercede d'vne pension annuelle: & sut aussi lors prins conseil d'entreprendre sur la ville de Coulogne & de Munstre. Mais comme les Estats des pays bas refusassent obstinement les garnisons Espaignolles: & requissent auec instance, que ceux qui restoyent encor des guerres de France; fussent enuoyees hors du pays : refusans entierement à defaut de ce saire, le secours d'argent qu'on leur demandoit : auint qu'à l'occasion de la route auenue à Gelbes en Africque, en laquelle les legions Espaignolles auoient esté presques du tout elteintes.

9

ti

0

a

le

R

d

gs/a

q

F

e

ti

re

m

n

n

d

P

CI

cl

q

ti

ci

9

fo

m

fi

in

CO

esteintes, que le Roy, qui portoit sort impatiemment ceste demande des estats, & auoit ja resolu de la punir comme crime de lese maiesté: vaincu de la necessité de ses propres affaires, sit semblant de la trouuer aucunement raisonable: & permit la sortie des dites bandes hors des dits pays pour au moyé d'icelles, garantir & desendre contre les incursios ordinaires des Turcs & Mores, les auenues d'Italie & d'Espaigne, & aussi les forteresses qu'il auoit en Afrique. Non toutes sois sans resolutio asseuree (ce que luy mesmes ne peut celer, & les Espaignols aussi ont tesmoigné par leurs escripts) qu'a la premiere occasió commode qui se pourroit rencontrer, les dites garnisons seroyent renuoyees: pour auec les armes & forces ouvertes, estacer l'iniure, qu'ils estimoyent auoir esté faite au nom Espagnol: & brider & restraindre d'un lien plus estroit, la trop grande liberté

& authorité de toutes ces prouinces.

dé

ra

15

Pour laquelle chose executer, rien ne s'offrit plus commode, ny plus apparent, que la costante & perpetuelle volunté, soing, & sollicitude que le Roy auoit, d'establir à bon escient, & bien estroittement la religion Romaine dans les pays bas: qui fut cause qu'en toutes ses lettres escrites d'Espagne, il accusoit ordinairement la Duchesse de Parme, & les Scigneurs principaulx, & Magistrats du pays, de n'auoir assez ceste matiere à cœur : disant sapperceuoir que si lon n'vsoit de remedes plus violens que par le passé, il seroit bien tost faict de la religió Romaine, par toute la Flandre: ce que quat à luy, il ne souffriroit iamais: ains mettroit plustost en hasard, tout ce qu'il auoit encores de pays & de royaulmes: que pourtant il voulloit et ordonnoit, que la rigueur des edits & placarts de la religion, fut executee sans dissimulation, & sans pour cause aucune les moderer, addoucir ou relaxer en façon quelconque: mais plustost augmenter & renforcer leur rigueur: que pour ce faire, lon ordonnast de nouueaux Euesques, qui sissent office d'Inquisiteurs en la matiere de foy: que Granuelle Archeuesque de Malines, peu de iours auparauant deuenu Cardinal (& lequel par son ambition intollerable, & cupidité immoderee de dominer, estoit hay de toute sorte d'Estats) fut chef & president de ce college: et qu'ausdits euesques, pour les faire vaquer plus diligemment à laditte inquisition, sut distribué quelque portion des despouilles des abbés, & aultres prelats du pays, qu'ils disoyent estre trop negligens à persecuter & punir les heretiques: & quant & quant, que la cognoissance de toutes les causes qui toucheroyent tant soit peu la matiere de la religion, leur sut reseruee : De sorte qu'en vn mesme temps, & par vn mesme moyen, toutes sortes d'Estats dudit pays, furent fort offensez. Car les Princes & grands Seigneurs, supportoyent impatiemment l'administration des affaires ostee de leurs mains, estre commise à vn Granuelle, homme nouueau, & estranger: Les nobles

estoyent offenses, que la puissance de leurs vies & biens, estoit, (au preiudice des coustumes du pays) donné à quelques gens incogneus, poures, & de race vile: & qui affectans leurs biens & cheuances, trouueroyent facilement moyen de les accuser & circonuenir: Les Magistrats des villes, murmuroyent, que les iugemens & preuileges du pays (contre ce que le roy auoit iuré si solennellement) leur estoient ostez, & donnez entre les mains de quelques gens de neant: & iceux encor. obligéz par serment, à vn Prince estranger, le Pape de Rome: & qui auovent desia rendu tesmoignage, & faict preuue de leur cruauté & auarice: En somme tout le peuple en general se complaignoit, qu'au lieu de pasteurs, on auoit commis à leur garde des loups abbayans incessamment apres leurs biens: de sorte que plusieurs marchans deliberoyent de sortir du pays, & de sen aller demourer (comme plusieurs d'entreux firent) en estranges contrees. Toutes lesquelles choses estans rapportées au roy, par diuerses suplications, requestes, messages, ambassadeurs, (les estats requerans auec affection que par vne telle nouveauté lon ne donnast occasion à vn peuple tressidele envers son prince, de diminuer en rien de son obeissance accoustumée) tant sen fault qu'il voulut aulcunement escouter, ou interiner leurs requestes: qu'au contraire, les refusant obstinement en toutes leurs demandes, il voullut mesmes que les decrets du concile de Trente, par lesquelles presques tous les droits & coustumes du pays estoyent violees, fussent publiez, & entretenus estroitement par toutes lesdites prouinces. Et de fait il voyoit par ce moyen, la faison qu'il auoit si long temps attendu, estre à ce coup arriuée. D'autant que, en cas que lon obeissoit à son comandement, la puissance de l'Inquisition vne sois establie, & les loix & coustumes du pays enfraintes, il ne seroit difficile de faire mourir tous ceux qui estoyent en authorité & grace enuers le peuple: & qu' aussi les garnisons espaignolles, aucc vne nouuelle forme d'estat, s'introduiroit facilement au pays: Et au contraire, si lon resusoit d'obeir à son vouloir, (comme il y auoit grande apparence ayans toute sorte de personnes esté foullez par ces demandes) il suruiendroit necessairement quelque desordre & tumulte: pour lequel pacifier, il faudroit renuoyer les garnisons espagnoles: et en quelque façon que l'affaire prédroit issue, que le mandement du roy auparauant reietté obstinément, donneroit assez d'occasion (comme crime de lese maiesté) pour chastier tout le peuple par feu & par glaiue : Et n'a esté trompé ce conseil par l'euenement: Car ayans quelqu'vns d'entre la principale noblesse offert certaine requeste en court, remonstrant que la volunté du Roy touchant les placcarts, estoit non seullement pernicieuse à la republique: mais aussi dommageable à sa maieste mesme: & à eux aussi perilleuse: requeras à ces

causes, que la publication desdits placcars cessast iusques à ce, que le Roy, auroit esté informé de leurs demandes, par personages illustres, qui pour ceste cause iroyent expressemet vers sa maiesté: Le peuple estimat par celte occasion luyestre cocedee quelque liberté plus grande, s'emancipa (& peut estre vn peu plus qu'il n'eust esté besoing) de faire professió ouverte de la religió reformee, qui estoit au Roy, & aux Espagnols, en sigrande detestation & hayne: Ceste occasion tant honeste & apparente, donna moyen au Roy, en premier lieu, de condamner de crime de lese maiesté, tous les Nobles, qui auoyent presenté la dite requeste: En apres de faire mourir les Ambassadeurs qui estoiet allé pardeuers luy par le commandement de la Gouvernante: Ét quant & quant d'envoyer au pays bas, soubs la conduite de Duc d'Alue, les vieilles bandes Espagnolles: pour, soubs pretexte de la religion, faire mourir tous les principaux Seigneurs & Nobles du pays, qui n'auoyét fauorisé leur entreprinse: establir peine de mort contre tous gens de bien: accabler le peuple de charges, imposts, & de seruitude griefue: bastir forts & citadelles dans les villes: Et finalement despouiller les Estats & magistrats de toute authorité: la noblesse de dignité & grandeur : le peuple de ses biens & richesses: les villes de leurs loix, preuileges, coustumes, & immunitez: & en fin toutes les prouinces ensemble de leur ancienne splendeur, dignité, & forces: & ainfi ouurir la voye au conseil qu'ils auoyent si long temps agité, d'establir au pays bas le siege de leur guerre premeditée: Toutes lesquelles choses, coment elles ont esté effectuees par le duc d'Alue, estat cognues à tout le mode, n'est besoing d'en faire plus ample deduction.

Certes quiconque voudra ouurir les yeux de son entendement,& considerer de pres leurs conseils & façons de faire, cognoittra clerement, que ce n'estoit pour assuiettir les pays bas (qui ne refusoyent aulcune sorte d'obeissace) que toutes ces choses se faisoyet: mais pour mettre vn tondemetbien ferme de la monarchie Espagnolle, qu'ils desseignoiet. Et de faict, le duc d'Alue ne sut sitostarriué au pays bas, qu'il print resolution d'assailler la ville de Coulogne, soubs ymbre qu'elle auoit logé receu entre ses bourgeois, les rebelles pretendus du Roy d'Espaigne: et qu'il essaya auti au mesme teps de mettre en son pouvoir la ville de Mustre située en VVestphale: Et eussent les deux entreprinses sorties leur effect en vne mesme saison, si le Prince d'Orage (qui auoit assemblé vne bonne armée en Allemagne) n'eust lors interrompu tous ses desseins, & troublé entierement le cours de ses conseils & entreprinses. Et toutesfoisencores ne desista il pour cela, de comander & prescripre loix à ceux de Coulogne: voire & de solliciter le magistrat auec grandes menaces, à son obeissance: Ce sut aussi lors qu'auec celluy de Treues (qui promettoit toute ayde & faueur pour l'auancement des affaires du Roy temps

'C-

So

u.

21-

YS

Z,

or .

82

ıté

au

ins

de-

111-

10-Ta-

elle

on

cn

es:

lles

ent

at-

pit à

les

ou-

qui

ro-

eir à

e de

ent

yer

lue,

roit

t le

ne-

aine

t les

ussi

àces

ules

d'Espaigne) il traitta premierement au preiudice de l'Electeur Palatin d'heureuse memoire, & puis apres vint en debat pour la ville capitale de son pays, qu'il disoit estre en la protection du Roy son maistre: donna aufsi des conseilliers au Prince de Olenes, qui ne gounemerent aultrement son pays, que s'il eust esté soubs le commandement absolut du Roy d'Espagne: tacha de se rendre obligé comme vassal, le conte d'Embden, foubs tiltre de protection & sauuegarde: commanda aux Liegeois de luy fournir armes, secours, & viures: Et exercea en fomme fur tous les peuples adjacens & limitrophes, d'authorité, commandement, & puissance absolué. Et quant aux Princes plus eslongez: premierement il print querelle auec la serenissime Royne d'Angleterre, foubs vmbre & pretexte de l'étrecours, & mit en prison tous les marchas Anglois, qui trafiquoyent selon leur coustume, dans lesdites prouinces. Commanda à icelle de proscrire & bannir, ceux qu'il luy plaisoit : pendant que luy mesmes non seullement logeoit & traittoit humainement dans les pays bas, mais enrichissoit aussi par dons & pensions annuelles, de trelmelchans garnemens, qui auoyent elle couaincus de trabifon contre leur Princesse souveraine: Ils soliciterent aussi par divers artifices et moyens, la royne d'Escosse lors prisoniere, à saire dereches quelque entreprinse nouvelle: Coblerent d'honneur & deloyers, ceux qui auoyent affafiné le regent d'Escosse: & se servirent d'eux, de leurs conseils, & industrie, en plusieurs affaires. Et quoy encore? ils trouverent moyen de faire declarer, par vne bulle du Pape, la royne d'Angleterre heretique, & heretiere illegitime: luy susciterent des troubles iusques au cœur de son royaulme : la reduirent au danger de sa propre vie: abandonnerent par publication le royaulme d'icelle au premier qui le voudroit occuper & surprendre: et particulierement donnerent charge expresse à don Ie. han d'Austriche, (apres que les affaires du pays bas seroyent appailees) de luy faire & mener guerre à toute outrance: de prendre en mariage la Royne d'Escosse: & de s'attribuer auec elle, les royaulmes d'Angleterre, d'Escosse, & d'Irlande: Lesquelles choses ne pouuas succeder de ce costé la comme ils desiroies (à cause de la guerre recomencee auec les E-Hats des pays bas) ils csaierent à les mettre en effet par la voye d'Irlande: en laquelle ils firent passer, au nom du Pape de Rome en apparence, mais à la verité par le commandement, instinct & volunté du Roy d'Espagne, bon nombre d'Italies & Espagnols: pour, passans de ceste Me (qu'ils estimerent trouuer du tout à leur comandement) au Royaume d'Angleterre, l'alluiettir et le mettre plus commodemet, loubs leur pouuoir & puissance: Et file Roy ala persuasion du Duc d'Alue (qui s'eitonnoit des difficultez qui se presentoyent en celte entreprinte) n'eust trouué bon de remettre ceste partie à vne saison plus commode, long

te

te

m

fa

P

il

CI

11

A

fe

il

fe

n

a

il

fe

fo

a

2

8

C

3

d

a

8

ef PFbb

temps y a, que le faix de toute la guerre eust esté transporté en Angleterre: soubs espoir qu'icelle premierement occupee, l'Espagnol (par ce moyeredu passible de toute la coste de ceste mer la) auroit chemin plus facile pour opprimer entierement les pays bas: Et quant à la France (qui pour le ieune eage de leurs Roys, estoit agitee de troubles domestiques) ils appliquerent aussi toute industrie, soing & estude, & n'oblierent aucune sorte de moyens qu'ils peurent inuenter, pour l'intriquer & enuelopper de plus en plus en guerres ciuiles: à fin que ce royaulme tant florissant & de si grande puissance, presque du tout destruit & ruiné par les propres armes, peut auec moindre peyne estre par eux opprimé, quat ils en aurovet le loisir, & que l'occasion, & la comodité propre de ce faire se presenteroit: Et n'est besoin de s'arrester beaucoup à deduire les moyes, qu'ils ont tenu pour adiouster bois à ces flammes ciuiles : quelles ay des ils ont administré pour nourir ces discordes: de quelle affectio, ils y ont trauaillé: quelles factios des parties, simultez, ligues, & cospirations ils ont inuenté pour entretenir cest embrasement miserable: Estant chose notoire & bien cogneue au Roy treschrestien, qu'ils ont par diuersesfois sollicité ses subiects à rebellion, & voulu les induire à reprendre les armes: voire & (à fin que personne n'estime cela auoir esté faict par vn zele qu'ils portent à la religion Catholique) auoir mesme sollicité auec grandes promesses de sommes d'argent contant, les cœurs des Princes desenseurs de la religion reformee: Et qu'il ayt aussi souvent esté rapporté à sa maiesté, qu'ils ont par diverses sois taché de corrumpre, seduire, & detourner de la foy que luy debuoyent, les gouverneurs particuliers des villes, ports, & haures des places maritimes: Qu'ils ont mesmes auec grande solhcitude voulu induire le Roy de Nauarre par promesses de grandes sommes de deniers, à rompre la paix dernierement faitte: voire qu'il n'y a pas eu jusques à son Alteze mesmes, qu'ils n'ayent sollicité à prendre les armes, à la ruine de Roy son frere, & la desolatio de tout son royaulme: lequel ayans aperceu estre peu affectioné à seruir à leurs cupiditez meschantes, ils ont depuis taché de faire mourir par poison & glaiue, luy ayas à celt effet apposté des assassas expres, qui ont depuis esté executez par instice. Que ie me taise aussi du grand nobre des penlionaires, que le Roy d'Espagne s'est obligé, non pas seullement au plus secret Conseil du Roy de France, mais aussi de tous austres Roys, Princes, & Potentats de la Chrestienté, par le moyen desquels il trouble quantil luy plait l'estat des vns, fait prendre les armes aux subiccts des aultres, rompt & brise les conseils qui sont contre luy, & en somme fait resoudre & trouuer bo tout ce qu'il pense luy estre vtile: Car tout cela est cler & euident & cogneu mesnies aux Royx & Princes, au dommage desquels ces choses se pratiquent: Personne ce pendant n'ose

tin

ale

.G.

e-

int

de

na

en

17 -

72

163

iãs

S.

n -

nt

25,

n-

et

n-

nt

80

de

le,

de

nt

er

Ca

25)

la

C-

ce

11-

c,

y.

ne

ne

U-

C-

ift

ng

dire mot à toutes ces choses, ny tant seullement ouurir la bouche: Tellement sont les courages de tout le monde remplis de peur, & estonnez au seul nom de la nation d'Espaigne: Car qu'est ce que ie diray de nostre Allemaigne mesme? laquelle estant en plus grand peril qu'aulcune aultre prouince, voire presques engloutié par le goustre de l'ambition d'Espaigne, mesprise comme bien asseure en apparence, son propre peril, & estime que le seu qui a brussé les maisons de tous ses voisins, & est peruenu insques à ses propres entrailles, ne luy touche en saçon ny manière quelconque: De sorte que cest empire, qui soulloit parcideuant si vaillamment desendre, & saliberté propre, ensemble & ceste de toute la Chrestienté, semble estre plus lache & nonchalant, qu'aulcune autre nation, à empescher l'establissement du ioug qui menace tout le monde.

Certes le Roy d'Espaigne n'a pas seullement en Allemagne des pensionaires & conseillers secrets, qui luy decouurent les conseils & entreprinses de leurs Princes : mais a mesmes vn affesseur publicq en la chambre de l'empire, par lequel il cognoit de l'estat & des affaires de toute l'Allemaigne, & iuge de toutes choses comme s'il estoit Prince de l'empire au rang des aultres: Il est aussi assis par ses ambassadeurs, en toutes les assemblees de l'empire: considere soigneusemet tout ce que se fait en toutes iournees: tache d'entendre tous les secrets, & n'en a de fait moindre cognoissance que les sept Electeurs en ont eux mesmes: Et quelle chose pourroit estre plus indigne, quelle plus contumelieuse à la nation d'Allemaigne? & plus aussi dangereuse & propre à surprendre leur liberté? que de ne faire aulcune iournec imperiale, nulle conuocation en l'empire, nul conseil, nulle assemblee des estats, voire nulle administration presque de iustice particuliere, qu'à la veue, presence, & (peu s'en faut, que je ne die) par l'arbitre, volunté; & commandement du Roy d'Espagne? Et soubs quel pretexte? par ce qu'à cause du circle de Bourgougne (nombré entre les circles imperiaux) le Roy d'Espaigne est conté entre les Princes de l'empire: Et qu'est cela aultre chose (Princes tresillustres) si non ouvertement se moquer de vous, de vostre autorité, & splendeur ancienne? & à vostre veu & sceu vous affubler du cheuestre de la seruitude Espaignolle? L'Empereur Charles ayant opprimé l'Allemaigne par force d'armes, estantenuironné de legions Espaignolles & Italiennes, ordonna vne lournee de l'empire à Ausburg, en l'an come le crois mil cinc cens quarate huit: declara qu'é diuers endroits du pais bas, il y auoit plusieurs villes & prouinces, qui souloyét anciennemet receuoir loix, & eltre subiettes à la châbre imperiale, appeller ordinairemet à icelle, & en somme estre de tout teps estimez & reputez entre les circles d'Allemagne: dont se mouvans souventes sois plusieurs & diverses questios, il voulloit (ce disoit il) tout en yn coup, & mettre fin à tous ces proces,

& ensemble ausi, faire plaisir & chose agreable à toute l'Allemagne : & suiuant cela ordonner, que, tant les prouinces qu'il avoit en la basse Allemaigne, que celles qui estoyent en la Gaule Belgique, estans reduites: en vn circle d'Empire, seroit desormais estimé & nommé le circle de Bourgogne: Qu'à raison de cela, luy & ses successeurs, payer oyent pour les frais de l'empire, aultant que deux Electeurs contribuoyent pour la guerre du Turc: & au reste demoureroyent non seullement exempts de toutes sortes de contributions & collectes d'argent, mais aussi de toute iurisdiction de la chambre, & de toutes loix, & ordonances de l'empire: Voila quel est le loyer des despouilles de nostre iurisdiction, authorité, & puissance: & quelle est la remuneration de nostre servitude: C'est auec ceste petite somme d'argent, que la dignité tressainte & franchise ancienne de nostre empire, a esté prostituee: & que puissance a esté donnee à vn Prince estranger (auquel n'auons aucune obligation de parenté, conuenance de langue, de voisinage, ou concordance de loix & coustumes) d'entrer en nos journees, auoir siege en nos assemblees, dire son opinion en nostre chambre imperiale, & en somme de recognoittre & remarquer tous noz conseils, actions publiques & secretes: Que si de servir à vn maistre ett chose de soy miserable, encor qu'il ne soit rigoureux ny superbe, qui ne voit noître Allemaigne estre tresmiserable, en la quelle le Roy d'Espaigne peut, s'il veut, commander à baguette: Mais à quoy sert de dire, qu'il pourroit s'il vouloit: veu que tout le monde cognoit cleremet, qu'il y commade par effet, au long & au large: Car qu'estce que l'Espagnol n'a gagné par l'institution de ce circle de Bourgogne? sinon, qu'il ne commande pas seullement à icelluy selon son plassir, mais aussi vie de commadement absolu au circle de V Vestphalie, qui de tout temps a esté estimé vn des principaux & plus puissans de toute l'Allemagne? voire & luy commande d'vne façon telle, qu'il ny apersonne qui ofatt luy contredire en aucune chose: Et qu'ainsi soit, ceux du Liege, n'ont il pas sulques a present obei à son empire: aussi les Duchés de Cleues & de Iulliers: et finalemet tout le pays de Coulogne & la VVestphalie entiere? Et ne se contentant encores de ceste sorte de commandemental les vout affuiettir & afferuir d'vne forme d'obligation nouvelle, voire estendre son empire generalement partoute l'Allemagne: Car que le me tayse, que ceux la possedent presque toutes les auenues d'Allemaigne, des les pieds des Alpes iusques à la mer Oceane, qui sont trespromts a obeir à ses commandemens, & n'oleroyent refuser aulcunes de ses demandes: & que se ne die mot aulsi, que ceux qui luy sont tresconioints de sang, d'alliances, & vnis par ligues & affinitez trefestroites, commandent en Iltrie, Carinthie, Croatie, & en la plus grande partie de la Pannonie, foire ont anthorité souveraine iusques dans Bauieres: tiennent les

el-

nez

tre

ine

on

pre

eft

na-

t fi

ela

na

C.

en-

re-

m-

ute

m-

tes

cn

in-

elle

on

li-

en

ra-

'en

OY

UIF-

11-

ces

ité.

fre

le-

\$ 80

eie

as,

oir

lle,

11-

os,

en-

bouches & sources des riuieres Lycus, AEnus, & Dannube, & sont perchés sur la teste des villes d'Ausborg, Ratisbonne, & aultres puissantes villes imperialles: que ie me tayse aussi, que ceux la tiennet le gouvernail de l'empire, qui (pour l'esperance qu'ils ont de paruenir quelque iour à la successió du royaulme d'Espagne) ne s'opposerot iamais à l'aggrandissement d'icelluy: qui est ce qui ne voye à quoy tend ceste soif insatiable de commander du jeune Duc de Bauiere, euesque de Frifingue? qui poussé par l'industrie du Roy d'Espagne, armé de son authorité, & allumé par ses commandemens, est embrazé & brusse d'vne ambition si estrange, qu'il n'a peu estre rassassé par aulcuncs dignitez episcopales, ny aultre authorité de Prince quelconque ? Il s'est presques en vn moment acquis vne telle & si grande puissance, qu'il se peut egaller en pouuoir à plusieurs Roys de l'Europe, & estre redoutable (à bonne occasion) à tous les Princes d'Allemagne: Et de fait il y a beaucoup de royaulmes illustres en Europe, qui, ny en grandeur & estendue, multitude de peuple, puissance de gens de guerre, ou en abondace de toutes choses necessaires, puissent estre accoparez auec les Principautés qui sont de son obeissance: et toutes sois encore ne se peut il reposer, mais esmeu, & enflamblé, de l'ambiticuse sureur de la nation Espaignolle, souhaitte & aspire iournellement à choses plus grandes: Carila desasteur par l'ayde & secours du Roy d'Espagne (oultre les Eueschez de Frisingen & Hildesheim) obtenu aussi, la principaulté du pays de Liege, qui en situation, estendue, en pouvoir de peuple, ne cede à aucuneaultre prouince: A cestuy la voudroit il encor adioindre l'electorat de Cologne: Car encor que iusques à ceste heure le pays de Liege ayt assezouuertement, & sans dissimuler, aydé & secouru les Espagnols, d'armes, artilleries, de viures & de toutes aultres choses necessaires à la guerre: aussi long temps toutes sois que l'Euesque estoit aucunement retenu par la crainte de l'Archeuesque de Cologne, il ne trouuoit bon de monstrer entierement ce qu'il auoit en sa pensee: & encores qu'il eust par effet, assuietti tout son estat à l'obeissance de l'Espagnol, il se portoit toutesfois tousiours neutre par parolles: Or maintenant à fin qu'il n'y eust plus chose qui empeschast l'Espagnol d'y comader en toute liberté, il luy a voullu, ou plustost au no de luy, attribuer à soy mesines, partie par armes, partie par menaces, & en partie par l'authorité du Pape, la dignité de l'Electorat, & de l'Archeuesché de Coulogne: au moyen de quoy il ne fera pas seullement desormais la guerre à la Germanie inferieure & pays bas, par les armes mesmes & forces d'Allemagne, mais prepare aussi le chemin pour assuiettir à sa domination, toute l'Allemagne superieure: met en samain & en son pouvoir, tous les peages & tributs qui sont deus aux Electeurs & aultres Princes: et lesquels (Princes tresillu-

Pd

C

stres) ont esté tousiours estimez (& à bon droit) estre, les nerss & conferuation de vostre dignité, & de celle de vostre empire: et lesquels vnessois perdus, & par ceste nouvelle election d'Archevesque de Coulogne, reduits au pouvoir d'vn Prince estranger, vous sont autant d'entraves & ceps aux pieds, pour vous empescher de faire la guerre quant besoing sera, & recevoir sur vous testes le ioug de l'Espagnol, toutes sois & quantes qu'il leur en prendra l'envie.

Caril n'est desormais besoing que le Roy Philippesoit empesché, à faire vn pont sur le Ryn, comme sit iadis Iule Cesar: La ville capitale de l'Empire, Coulogne siege Electoral, & toute la dition de l'Archeuesque, luy obeira à vn clin d'oeil aussi bien qu'à son Prince, & luy seruira de pont, port, & passage: Qu'estce donc qu'il faut encor à l'Espagnol, pour commander absolutement à toute l'Allemagne? prescrire loix & ordonnances à son plaisir? & prendre les armes contre quiconque luy viendra en fantasie? sinon (peut estre) qu'il n'a encor aucun haure, en l'emboucheure de la mer d'Allemagne, par ou il puisse, quant il en auroit besoin, enuoyer gens de guerre de ses royaulmes d'Espagne: Mais encor a il pourueu à cela, & tant fait qu'il n'en eust faute: Car soubs vmbre de faire la guerre en Frise, & conduire des viures au pays bas, il requiert instamment qu'on mette entre ses mains l'emboucheure de la riuiere d'Ems: & pour y paruenir, a donné charge à Billy Portugais, de faire en sorte enuers Etsart Conte de Frize Orientale, à luy obligé par vasselage, qu'il luy donnast (comme par emprunt, & pour vn temps) l'vsage de la ville d'Emden: offrant luy donner en recompense & pour loyer d'un tel benefice, la proprieté de la ville de Groeninge (laquelle estant enuironnee de tous costez d'armes Espagnolles, & forclose de toute commodité de receuoir viures, il reprendra toutes sois qu'il luy plaira) & en oultre, le gouvernement de Bourgogne, auec les reuenus, domaines, & aultres emolumens d'icelluy: y retenant toutesfois toufiours ses garnisons ordinaires. Laquelle chose s'il obtiet: toutes les riuieres plus importantes d'Allemagne, ascauoir le Dannube, le Ryn, Lycus, AEnus, Meuse, Moselle, & Ems demoureront en sa puissance: et (comme par ses parés, alliés, & vassaux, il s'est ouuert la voye par tous endroits sur la terre:) aussi n'y aura il rien en mer, qui puisse, ou rompre sa puissance, ou aucunement retarder ses entreprinses: Et finalement pource qu'il a entédu quelles difficultez & empeschemés, ceste force inuincible de la basse Saxe, donna iadis aux affaires de l'Empereur Charlemagne: et q quant & quant il a souuenace, qu'vne seule ville de Magdébourg, abandonnee du secours de tous ses voisins & alliez, arresta l'armee victorieuse de l'inuincible Empereur Charles son Pere: retarda le cours de ses victoires, voire & rompit entieremet ses sorces: il a aussi trouué moye de

pourueoir & remedier à cest inconvenient & peril, à fin qu'il n'y eust rien de reste, qui peut retarder l'auancement de son empire en Allemagne: Car il a tant fait en somme par ses journees, enuers le Pape, & l'Empereur mesmes, quoutre toutes les choses ci dessus mentionecs, ilssesont aussi obligez par promesse asseurce, de coferer à celuy de Bauieres l'euesché de Magdébourg: c'est à dire la force vniuersele de toute la Saxe: Car quantà luy, il n'estime point qu'il y ait differece, si par soymesme, ou par son lieutenat, vassal, paret, ou allié du tout affectioné à ses entreprinses, il possede quelque chose: estant mesmes particulierement asseuré, que par cest Euesque il comanderatouteschoses qui luy viendrot à plaisir: Et toutesfois encor ne se veut il cotenter de tout cela, ains pour n'auoir aucune chose qui le puisse empescher, met peyne & diligence pour le faire creet primat de toute la Germanie, & faire de sorte que par sa voluté, & authoriréseule, toutes dignitez & prebendes ecclessastiques, soyent conferees q

q

n

le

q

0

al

le

P

ra

8

u

er

E

q

m

V

m

CO

en

qu

111

le a

do

VI

6

d'

ce

Atı

le

re

fa

P

8

te

PI

61

CO

a quiconque il luv plaira par toute l'Allemagne.

Etne sentés vous pas encores (Princes Allemas) que le Roy d'Espagne (ie ne diray pas seulemet brigue à bon esciet, mais) tiet ya entre ses mains & en son pouvoir, la dignité de l'empire? Que c'est luy, qui aiat suppedité par armes le pays bas, aura entre ses mains, tous les ports & haures de la mer Oceane? toutes les emboucheures de tous les fleuves d'Allemagne? que c'est luy quivous ostera quand il luy plaira, tout moyen & comodité detoute sorte de trafiq? qui veut mettre en so pouvoir la riviere d'Hems? qui met en sa main & disposition tous vos tributs, peages & reuenues? qui prescrit loix & ordonnances à ceux de Cleues, de Iuliers, Liegeois & VVestphaliens? qui veut que l'estat de Couloigne luy obeysse? et les parens, alliez & obligez duquel, comandent à des nations grandes, & provinces de tresample estendue en Allemaigne: qui estat en Espaigne mesmes, est assis & dit son opinion en vos assemblees, & iournees de l'Empirc: quiespie, considere, & remarque tous vos conseils, affaires, & choses plus secretes: et qui ne commande, defend, establit & ordonne pas seullement tout ce qu'il veut, mais à son plaisir vous donne & designe Euesques de Frisinghen & Heyldesheim: establit Princes & Electeurs de l'Empire, à Coulogne, Liege & Magdenbourg : et qui, en somme, voulant aussi commander au trespuissant ordre Ecclesiastique de nostre natio, establit à sa poste vn Primat en Germanie: et qui pour toutes ces choses la, vous presente vne seulle personne, vn seul homme, qui luy est tresconioint de sang, d'affinité & d'alliance, obligé par droit de protection, & pour vne multitude de bienfaits qu'il a receus de luy, entierement assuietty à toutes ses ordonnances: & lequel il est asseuré, que ne dira, fera, ou essaiera iamais chose quelcoque, que par son vouloir, commandement & ordonnance : et lequel en somme pour vne infinité de querelles

querelles qu'il a auecques plusieurs Princes d'Allemaigne, il est asseuré que mettra vn tel seu de diuisions & discordes par tout l'Empire, qu'il ne pourra jamais estre estaint, que par la ruyne vniuerselle de toute l'Allemaigne. Car à qui est incogneue ceste grande & ancienne querelle qu'il a, auec les illustres Ducs de la maison de Brunsvic, à cause de mille & vn villages qu'il leur demande? laquelle certes il ne mettra en oubli, & ne permettra qu'elle demeure ainsi assopie: Qui ignore aussi auec quelle emulation & enuie, ceste famille de Baujeres a debattu auec les Contes Palatins, pour la dignité premiere de l'Electorat de l'Empire? et comment ils se plaignent, icelle auoir esté offee de leur nom, race, & famille: laquelle querelle, si cest Euesque (accreu en telle authorité & puissance par vostre silence, au pourchas duroy d'Espaigne) renouuelle, comme il fera indubitablement, combien de tragedies lamentables engendrera elle en Allemaigne?quelle senestre ouurira elle à la tyrannie Espaignolle, & à nostre servitude? et finallement, quelle desconfiture, quelle tribulation & ruyne, apportera elle à nostre miserable, peu sage, & malauisee patrie?

Et toutes fois (Princes illustres & Estats tresexcellents de l'Empire) vous ne soussire pas ces choses seulement sans mot dire, mais aussi dormans à deux oreilles, sans vous soucier de rien, estes spectateurs oyseux comme par plaisir, de la ruyne & calamité de vos proches voysins: Et encor que ce seu tant dangereux, ait consumé les maisons d'iceux presques insques aux sondemens, & soit quasi paruenu dans vos palais, voire insques à griller mesmes vos couches, n'estimez pourtant encores, que l'assaire vous touche, & ne pensez qu'il est heure, de vous opposer aux

desseins d'vn Prince si ambitieux, puissant, & superbe.

e

15

é

la

9 ?

té

15?

SP

80

)a-

0-

cf-

77-

10-

pas

gne

urs

ne,

ces

ote-

ene -

ene

é de elles

Et les autres Roix, Princes, & Estats de toute la Chrestienté quoy ? vne mesme paresse, vn messue endormissement, les detient tous ensemble: car pendant que les seuls pays bas s'opposent à la tyrannie du roy d'Espaigne, donnent temps, loisir, & occasion, à tous autres Roix, Princes & Republiques chrestiennes, de detourner ceste servitude, & monstrent par leur exemple, auecq combien peu de peyne, les sondemens de leur tyrannie, peuvent non seullement estre esbranlez, mais aussientierement deracinez de sons en comble, il n'y a personne d'entr'eux qui face seulement semblant, de prendre à cœur vne chose de si grande importance: mais, comme si de sait aussé vn chascun d'eux s'estudioit à augmenter & accroittre la puissance des Espaignols à leur propre ruine, tenans leurs bras croisséz, permettent & soussent, que les pays bas (rompus & harassez de la grandeur & longue duree de ceste guerre) s'affoiblissent & diminuent d'vne telle saçon, qu'ils ne scauent plus, quel conseil, ny quel autre moyen ils pourront desormais entreprendre :

Le Roy de France estant esbranssé pour les conseils temeraires & malauisez du Duc d'Anjou son frere, regarde le seu qui sespand au long & au large chés ses voitins: estimant, peut estre, auoir assez de puissance chez soy, pour desendre & conserver, soy & son estat tout ensemble: Le Duc d'Anjou luy mesmes, incertain de ce qu'il doit faire, ne se peut resouldre, & ne voit ce que luy peult estre plus vtile: La Royne d'Angleterre semblablemet (estonnee à cause du royaulme de Portugal nouvellement occupé par l'Espagnol) semble estre entierement assoupie, & du tout irresolue du conseil qu'elle doit prendre: L'Espagnol ce pendant presse le pays bas de toute sa puissance, et ne trouuant personne qui luy contre die, pose des sondemens tresasseurez de sa monarchie tant desirece: tellement que par la seulle terreur de son nom, grandeur, & puissance, il espand sa renommée au long & au large iusques aux extremitez d'Orient & d'Occident, & s'approprie par esset le nom d'vniuersel, qui luy a esté austres sois donné par les Papes de Rome, en tiltre.

Afie,

Port

uerne

quia

en to

pales

terre

effet

Q

eften

desl

& fe

Car

feu a

il au

uant

gal (

affer

auo

lesa

luge

de la

fils

loye

29 E

roit

pou

puil

les

pre

nes.

Gr

me:

rati

luy

Ro

cell

me

nu

ree

Lequel presage à la verité (Roys, Princes, & Potétats Chresties) vous menace d'une seruitude miserable, & par vostre negligence promet à luy, une puissance Catholique: c'est à dire, une dominatio universelle, & tyránie (si vous n'y remediez en téps) sur toutes sortes de natios & prouinces.

Le Roy Philippe de Macedoine fut à bon droit ia dis suspectà la nation Grecque, pource que s'assuiettissant quelques peuples Traciens & villes voisines de la Grece, il leur estoit auis qu'il espioit la liberté de la reste de toute la Grece ensemble: et pourtant, les Atheniens (craignans que le feu de l'ambitio dont il brussoit, n'embrasast pas seulemet la Grece, mais consumalt mesmes toute l'Asie) surent d'auis que ceste sienne puissance deuoit estre reprimee & brisee par les armes & forces communes de toute la Grece: Et ne trompa l'euenement cestuy leur soubçon: Car encore que le Roy Philippe preuenu de la mort; ne peut effectuer ce qu'il auoit conceu en son esprit, il laissa toutes fois à son fils Alexandre vne telle fleur de soldats & de gens de guerre, que luy adolescent ambitieux, ne s'assuiettist pas seullement par leur sorce & vaillance la Grece vniuerselle, mais aussi l'Asie, Sirie, Babylone, Perse, Egypte, et ayant rauagé au long & au large iusques aux extremitez des Indes & Scytes, s'establist en un petit espace de temps, la troixiesme & trespuissante monarchie de tout le monde, apres celle des Perses.

Et nous ce pendant ne craignons la fureur ambitieuse du Roy d'Espagne: et n'estimons estre besoin de reprimer les sorces demesurees de celuy, qui non pas en vn lieuseul, mais en diuers & pluseurs endroits, a des armees entieres de vieilles bandes: qui entretient en tout temps en garnison ordinaire, & tient prests à tout euenement, plus de trente mille hommes de guerre: qui a estendu les bornes de son empire, en Afrique, Asie, Asie, Europe, Amerique, iusques aux Indes Orientales, & Occidentales: qui par mera rompu les sorces des Ottomans; qui a ioint à son estar, le Portugal, aucc vne infinité d'Isles & royaulmes tresssorissans : qui gouuerne à son plaisir l'Italie, laquelle souloit comander à la reste du monde: qui a en son pouvoir plusieurs ports & places maritimes d'Afriq possede en tous endroits, la mer Oceane tient en son obeissance toutes les principales Isles & farts de la mer mediterrance: et qui en somme par la seule terreur de son nom, ordonne, comande, & fait quant & quant mettre en esset, tout ce qu'il luy plait, à tous les Princes & peuples de la chressienté.

Que si quelqu'vn estime que se contentant d'vn empire de si grande estendue, il n'attentera ey apres aultre chose, que ce que le droit & iustice des loix, luy permettront: cestuy la certainement se trompe à son escient, & se flattant soy mesme, est peu soigneux de son honneur, liberté, & vie: Car en premier lieu, le desir de regner est insatiable, & est semblable à vn teu ardent, qui tant plus il troune d'estoffe & matiere, et plus s'estend il au long & au large, & ne laisse rien d'entier à son approche: Mais d'auantage? qui est celui qui ne voit par ceste vsurpatio maniseste de Portugal (faite à la veue du tout le monde) que le Roy d'Espagne ne se veut asseruir à loix, droits, ou capitulations quelconques? Car s'il s'estimoit auoir quelque droit en la dite succession, pour quoy a il violé les loix, par les armes ? qu'a il preoccupé le droit, par la force? la sentence sainte des Iuges, par fer & par flamme? Que s'est il moqué du Roy Don Antonio, de la Royne mere du Roy treschrestien, du Duc de Bragance, & du fils mesmes du Prince de Parme? et en somme, de tous ceux qui se pensoyentauoir quelque droit audit royaulme? Siminganto sol na oin

Et penserons nous encor que la conscience, iustice, ou equité, pourroit auoir place aupres de cestui la, qui a declaré tant manifestement, que pour regner il ne veut prendre ny mesurer son droit que par la force & puissance de ses armes? Que celluy qui parargent aarmé le Turc contre les Venetiens, & detourné l'orage d'icelluy, sur ses confederez en Cypres, estime debuoir estre tenuà pactions, traittez, ou conuenaces aulcunes? Que l'ardente ambition de celluy quin'a tenu aulcuns accords aux Granadois, Indois, & ceux du pais bas (qu'ausilog temps qu'il les a estimez à soy vtiles) puisse estre arresté par obligation de ligue, ou confederatio d'alliance? Et quelle conscience, droi cture ou inflice, obligera celluy, qui par les commandemens de sa religion & authorité du Pape de Rome, est deliuré de tout lien de foy & promesse? Estimerons nous que celluy qui ne peut estre empesché paraucunes loix de mariage, à commettre inceste: qui pour nulle amitié côiugale, ne s'abstient d'adultere, par nulle amour naturelle, peut estre retenu de parricide: & par nulle foyiuree, se peut garder de periure: estant en oultre ambitieux come il est, de-

3

la

15

C

12

ils

)...

17-

C,

28

13-

e-

es

31"

lle

ie,

SALEMENTO

fireux d'amplifier l'estendue de son empire, & transporté par vn defir de vengeance, puisse paraucune proposition d'equité, droit, ou iustice, estre restroidi & rendu moderé en auscune chose? Comme s'il n'estoit autant loisible au Pape de Rome, à dispenser aussi bié (au moyen d'vne bulle) des droits, bornes, & limites des royaumes & prouinces, que des obligations de mariage, & de la soy tant solennellemét iurée: Mais à quoy sert de penser, par le pretexte de droit & iustice, moderer l'ambitio de celui, qui passé long téps, est resolu d'auoir droit, & iuste occasió, d'enuahir les royaumes d'autruy, & les mettre s'il peut, soubs son obeissance?

S

Car qui est ce d'entre les Princes, Potétas, & republiques Chrestiènes, contre lequel il n'estime (passé long temps) auoir cause tresiuste demouuoir guerre? Il accusera le Royde France de n'auoir point seulement empesché son frere, en l'entreprinse, qu'il a fait en Flandres, mais sortissé
mesmes de soldas, d'armes, & d'argent: et qu'en ce faisant il a luy mesmes
commencé la guerre: Qu'en faueur de la Royne samere, il a hostilement
assailli les Isses de son obeissance, combatuses armees de mer: & non seulement logé & receu en son royaume Don Anthonio son ennemy & rebelle, mais aussi ay dé & secouru d'argét & de gens de guerre: & que mesmes, il a secouru les pays bas par tous moyens qui luy a este possible.

Quant à la Royne d'Angleterre: il dira en premier lieu quelle est heretique & excommunice par le Pape de Rome: en apres, que par plusieurs choses faites par mer & parterre, elle a affez declaré qu'elle luy est ennemies qu'elle a logé, entretenu en son pays ses ennemis, & les a ay dé d'argent, de viures, de gendarmes, & d'armee de mer : qu'elle a secouru Don Antonio en son entreprinse: & à toutes occasions a surprins ses nauires & son or, venant des Indes. D'entre les Princes Allemans, il en accusera les vns, d'auoir secouru le Prince d'Orange : les aultres, d'auoir esté personnellement en la guerre de Flandres. Il esmouuera question contre les autres, par l'Euesque de Frisingen touchant leurs limites: & contre des aultres pour le droit de l'Electorat: Et en general il les accuseratous d'eftre heretiques, ou d'avoir confederation avec ceux qui ont quitté l'obeissance du Pape de Rome: lesquels tous ensemble, le Pape ordonnera (comme aultresfois) effre reduits à leur debuoir, pararmes. Et cela ne souffirail pas, & ne seruirail d'assez bonne couleur pour les faire assaillir à celluy, qui tient les commandemens du Pape pour oracles diuins? & ses excommunications pour foudres celestes? qui de soy mesmes est ennemy iuré de la religion, et la hayt comme la peste du monde: qui en tous ses conseils, desseins, intentions, & en toutes les ligues, qu'il a iamais faites, n'eust onques aultre but, que de l'extirper & defraciner de fons en comble? & qui estant le plus ambitieux de tous les hommes du monde, declare toutesfois ouvertement, aymer mieux perdre tous ses royaulmes royaulmes & dignitez, que de laisser que que estincelle de ceste religion, non esteinte? & qui en somme ne fait aultre estime des Allemans, que s'ils estoyent Turcs, Sarrasins, & Mores: Et le Pape mesmes, n'estimera il pas d'auoir aultant de puissance, a donner l'Allemagne en proye au Roy Philippe (apres l'auoir excommuniee) que ses predecesseurs eurent iadis à l'abandonner à l'Empereur Charles son pere? Le Pape Paul troixiesme, et son predecesseur Clement septiesme, menacerent Charles le quint de l'excommunier, pource qu'il estimoit plus equitable, de pacifier les troubles suruenus en Allemagne à cause de la religion, par l'authorité d'vn Concile general, que d'y proceder par la puissance des armes: & le forcerent en fin par les foudres de leurs excommunications (car le bon Prince reculoit tousiours) de venir à vn tel & si extreme remede, que de leur faire la guerre à toute oultrance: Et penserons nous que les Papes auront asteur faute de moyens, pour faire accroire au Roy d'Espagne (assez affectionné de soy mesmes à c'est affaire) qu'il aura cause tresiuste, pour les reduire à la foy de l'eglise Romaine par viue sorce d'armes? Que si aulcun pense que ceste crainte n'appertient qu'aux Princes protestas, & que ceux qui sont tousiours demourez catholiques, n'ont occasion d'auoir auleune crainte ou arrrierepensee : que cestuy la se remette en memoire, que les Henrys, Othons, Frederics & autres Empereurs trespuissans & tresexcellens en toute sorte de louange (Vos Predecesseurs, Princes tresillustres) faisoyent au temps passé profession de la me me foy & religion que les Papes: & ne peurent toutes fois eschapper les pointes de leurs foudres & excommunications tresiniusses mais les vns, veirent leurs empires transferez & donnez à des Princes estrangers: et les aultres (venuz nuz pieds nuz teste, leur demander misericorde) se presentans pour estre soulez aux pieds des Papes, ne peurent amollir leur courage, sinon apres avoir souffert des grands supplices & supporté des amendes notables: qu'il pense que le Pape n'aura saute d'occasion pour armer l'Espagnol à la ruine des Allemans, voyant ceux qui sont de sa religion, non seullement ne la desendre point contre les Protestans, mais se conioindre journellement auec cux, par ligues, amities, & alliances estroittes: qu'il pense finalement que les Espagnols, ne pouvans assuiettir l'Allemagne à leur domination, ny la reduire à l'obeissance du Pape, si pour vaincre les vns, ils ne se joignent premierement les aultres, ou par obligation d'alliances anciennes, ou par droit de protection, ou par la peur de leurs armes, il est necessaire aux Allemans de subir l'une de ces deux conditions, ascauoir ou de se ioindre aux Espagnols pour ruiner leurs compatriottes, ou vnissans toutes leurs forces ensemble, prendre les armes contre iceulx, pour vindiquer toute l'Allemagne de leur seruitude: Laquelle chose s'ils ne sont

de.

iu-

s'il

yen

que

ais à

oitio

'en-

nce?

nes,

1011-

em-

fmes

nent

feu-

xre-

mef-

the-

ieurs

nne-

d'ar-

Don

res &

rales

rion-

reles

e des

s d'e-

é l'o-

nnera

ela ne

ffaillir

ns ? &

ft en-

qui en

, qu'il

ner de

nes du

ous ses

bien tost, & se seruans de ceste bonne occasion des affaires du pays bas, retrenchent les accroissemés de la puissance Espagnolle, en vain s'assaye ront ils puis apres les vns apres les aultres, à detourner la grandeur de cesse tyrannie: La puissance du Roy d'Espagne (Princes tresillustres) est certainement grande: mais toutes sois elle est telle en sin, que comme par vostre tolerance (i'eusse presque dit stupidité) les sondemés d'icelle, sont esté nez & accreus, ils pourront aussi facilement estre esbranlez par vostre vnion, & sinalement auec peu de peyne, menez à entiere ruine par vostre sorce & concorde: Car toutes les prouinces de son obeissance; sont separees les vnes des aultres d'vn tresgrand intervalle, & sera-facile à leur couper viures, empescher qu'ils ne reçoyuent secours, voire rompre entierement leurs sorces, si vous vous aydés vous mesmes, & ne souffrez que par le moyen du lien d'entremeilleu d'Allemagne, l'Italie soit jointe auecq la Flandre.

di

VC

di

de

d

d

C

m

la

8

m

le

g

n

8

p

te

n

tr

q

n

Chose qui vous est d'autant plus facile à saire, que vous pouuez aisémét aperceuoir, tous peuples auoir en horreur sa grande tyrannie, & n'attendre que les occasions pour se desiurer de seruitude: Vous voyez auccq combien petite puissance, auec quelle poignee de gens, & trespetits commencemés, le Prince d'Orange a mis à neant & sait euanouir leurs grandes entreprinses, & sait sondre leurs puissantes armees: Combien long temps, les pays bas (destituez de toute ayde, & despouillés de tout secours) ont soustenu l'assaut d'vn si grand Prince. & combien peu il sen est failly, que deuant quelques annees, don sean d'Austrice, & ces iours passez, le prince de Parme, ayent esté chassez entierement du pays bas, auccq toutes leurs puissances: et que, si en ce temps la, plusieurs prouinces ne se susse passez et que, si en ce temps la, plusieurs prouinces ne se susse passez et que, si en ce temps la, plusieurs prouinces ne se susse passez et que, si en ce temps la, plusieurs prouinces ne se susse puissances: et que, si en ce temps la, plusieurs prouinces ne se susse puissances par dissentions ciuiles, de l'vnion generalle, & à cest heure le Duc d'Anjou, n'eust par vn coseil pernicieux, laissé eschap-

per la bonne fortune qu'il tenoit en ses mains, non seulement ils auroyet

abandonné la Flandre, mais possible borneroyent leur domination dans les mons Pyrenees.

Tellement que comme ne deuez mettre en nonchaloir leur grandeur, & permettre qu'icelle prenne accroissement, aussi n'auez occasion (Princes tresillustres) d'estre espouuantez par la grandeur d'icelle, & empeschez de vous porter vaillamment contre eux, & vindiquer la liberté comune. La puissance du Roy d'Espaigne ne vous nuira beaucoup, si vous regardez en temps à vos affaires: si vous ne mettez en nochaloir la guerre du pays bas: si par vostre authorité vous ropez le dessein de Billy touchant la riuiere d'Ems: si vous reprimez l'ardante ambition du Duc de Bauieres, & son affection trop grande enuers le Roy d'Espaigne: si auec le Roy treschressien, si auec la serenissime Royne d'Angleterre, & tous autres Princes & Potentats chrestiens, vous auisez serieusemet & en téps,

dumoyen necessaire pour reprimer ceste leur trop grande puissance.

Que si au cotraire vous permettez les peuples du pays bas vos proches voisins (quasiruinez par les armes Espaignolles) estre encore consumez des forces d'allemaigne: si vous regardés (sans mot dire) les Cleuois, ceux de Iulliers, & de Coulogne, trembler de peur, aux comandemens du roy d'Espaigne: Si ne desendez aux Liegeois, de secourir bennemi commun, d'armes, d'argent, & de viures, comme ils ont fait à bon escient iusques à cest heure: Si vous ne reprimez la grande ambition du Duc de Bauieres, mais souffrez qu'il adioigne à son autorité, l'Archeuesché de Cologne, & la dignité Electorale: Si ne luy defédez de ioindre ses sorces auec l'Espagnol pour ruiner la Fladre, & aussi sermez tous ports à l'Espagnol en la mer Oceane: ne doutez point, que la Flandre reduite soubs le joug; l'Allemagne diuisee en diuerses factions, la France empeschee & espuisee par guerres ciuiles, ou distraite en opinios & affectios diuerses: la terreur du nom Espagnol, & la pesanteur de son empire, ne deuienne come vn orage & inondation ineuitable, qui aiant rompu chausses, diques & leuces, sera pour accabler en briefpar la fureur de son ambition, toute la Chrestienté ensemble. A laquelle chose si quelqueun vouldra alors, ou par armes, ou autre moyen, donner empeschement, il experimentera, mais trop tard, ce qu'auons dit au comancement de nostre discours, à scauoir que l'occasion commode de bien faire, vnesois eschappee des mains (laquelle ne retourne iamais par force ny priere) criera vengeance contre nous, & nous fera porter la peine qu'aura merité nostre stupidité & nonchalance.

Lequel presage ie prie Dieu vouloir destourner de toute la Chrestieté, & singulierement de l'Allemaigne, ma douce patrie: le supliant auec requeste ardante au nom de Iesus Christ nostre Sauueur, que presidant par son saint Esprit en vos conseils (Princes tresillustres de l'Empire, & vous autres Rois, Princes, & Potentats de toute la chrestienté) il gouuerne, conduise, & dresse tellement toutes vos entreprinses, & delibera-

le bien de toute la Chrestienté, pour la gloire de son saint nom, & le bien & salut du peuple, sera trouué, juste, vtile, & necessaire.

STATE OF STA

. moven necessaire pour raprimer ceste seur trop grande puissance. Oue hous desire vous pernienez les peuples du pays bas vos proches volums (quest rumez par les armes Elpalgnolles) elle encore confiamez d stores d'allem ngnes fi vous regardes (lans mot dire) les Cleuqis, ceux de fulliers, & de Coulogne, trembler de peur, aux comandemens du roy designer Sine desendez aux Liegeois, deseconrir bennemi communa d'armes, d'argent, & de viures, comme ils ontfait à bon escient iusques à self bein er Si vous ne reprimez la grande ambition du Duc de Banieres. mais touffire qu'il acjoigne à son autorité, l'Archeuelche de Cologne, & la die pré l'ectorale: Si ne luy del édez de join dre les forces auec l'Elpas, gnol pour ruiner la l'adre, & aufsi fermez tous ports à l'Espagnol en la mer Oceanerne doutez point, que la Flandre reduite soubs le joue, l'Allemagne dinifer en divertes factions, la France empelchee & espuite par uerres du les, ou diffraite en opinios & affectios diuerfes: la terrette du nom Espagnot, & la pesanteur de son empire, ne deuienne come vn orage pe andation inenitable, qui aiancro apu chaullees, diques & leuces, lera con accabler en briefpar la fureur de ton ambicion, route la Chrestience ensemble. A laquelle chose si quelqu'un vouldra alors, ou par armes, ou aure moyen, danner empelchement, il experimentera, mais trop mid, ce qui nons diran co nancement de nothe alifcours, à leauoir que loccafion commode de bien faire, vietois et napp laquelle ne retourne iamais par for ce ny priere) criera ven ace. I nous fera porter la peine qu'aura merité noilre, canel prefige ie prie Dieu vonfoir destourner de reulierement de l'Allemaigne, madonce equality ardance, auron do lefus Christ noffre S our fontaint Espection vos contens (Princes recillust our stores Rois, Princes, & Potenta's de toute la chrestiente) Il conduite, & dreffe tellement toutes vos entreprintes, & deliberations, que vous puissiez refondre & executer aulsi, ce que pour le bien de route la Chrestienté, pour la gioire de son la me nom & lebien & lalut du peuple, sera trouue juste, vale, & necessiire.

